

محراب

ادبياتي ، اجتماعي ، فلسفي ، تاريخي ، ادبي مجموعہ

شيدريك آيدہ بر نشر اولنور

مذہبات

- تربيه مصاحبه لري . گلديز آيتھاف يوسف ضيا ۴۸۵
- « يونس اسره » و « عاشق يونسك غير مطبوع اشعارى » جميل رافت ۴۹۵
- تصوفك استناد ايتديكي ايكى اساس حقهده بر ايفاض رشيد ۵۰۰
- بوگونكى تور كمنلر و تور كمن يوردى نور كستانلى رافت ۵۱۱
- آمونوقال ايدى نه ن « آفرىقا سر كذشتلرندن » جامى ۵۱۷
- و آنادولوتار يخنده دىني روحيات مشاهد لري « و بوراق بابا ، كيكلى بابا » علمى ضيا ۵۲۷
- كتبخانه لوده اصلاحات مناسبيله همد فؤادى ۵۳۷
- تاريخ مدنيتده كتبخانه لري طاهر حريمى ۵۵۰
- « شيخ سهروردى » و « حادثه قلى » يوسف ضيا ۵۶۷

حيات و حقيقت : مليحه نوردى — بهار و شفا : سنيحه جمال اورده نوس — قطعه : سنيا
رفاعى — غروب وفتى : صبريه صالح — اسكى شرق كيجه لري ، شرف كاظم — صوك بهار :
نزامت صبرى — بنم بايرام : نجات رشدى ۵۵۷

يكى آبه بر نظر : السهيات فاكولتسى ، آنادولى مجموعه سى ، آذربايجان استقلال .

شهرزاده بائى : اوقاف مطبعه سى

بوراده قالیرسه ملکک اعتقادینی افساد ایده جک ا کر سربست بر اقلیرسه هر هانکی ناحیه به کیدرسه اوراسنی افساد ایده جک « دیورلردی و دها بر چوق شیلر علاوه ایتدیلر . صلاح الدین ملک ظاهره قاضی فاضلک خطیه بر مکتوب کوندردی « ان هذاشهاب الدین لابد من قتله ولا سیل الی اطلاقه من وجه [۱] » دیوردی .

آرتق مسئله تحقق ایتشدی . نهایت شهاب الدین اللهه قاووشنجه به قدر یمک ، ایچمکدن محروم ایدلک صورتیه بر خاوده ترک ایدلک خصوصنی اختیار ایتدی و او یله یاپدی . ملک ظاهر بوندن صوکر ا مذکور علمایه قازشی غایت شدید و غضوب داوران یوردی اونلر حقنده حبس وافی و اموالنی مصادره ایتک کی معامله لر یاپدی .

ابن ابی اصیبعه نک بو تصویرینی شهرزوری تاریخ حکما سنه - منبع ذکر ایتیه رک - عیناً آلمش و صوکنده « بونلر عجبا صحیح میدر ؟ او جهق الله بیلیر . » دیمشدر . فضله اولارق شهرزوری ده شو سوزلر واردر : « حلب علماسی ایله ایتدیکی مباحثانده فیلسوفلرک عقائدینی ایضاح و مدافعه ، مخالفلرک رأیلرینی سفه عد ایدردی روح القدس قوتیه اظهار ایتدیکی عجائبات دخی بوکا منضم اولنجه شیخی تکفیر و سائفه حسدله قتل ایتدیرمک خصوصنده اتفاق ایتدیلر ؛ ایلاک اونجه حاب سلطانی شیخی قتل ایتمه کانه قاندر مق و مجبور ایتک ایسته دیلر فقط سلطان امتناع ایتدی صوکر ا مصروده « ۱ » پدری صلاح الدین ایله مکتوبلاشدیلر مکتوبده یازدقلری اسباب اتهام ایچنده « **ان بقی افسد الدین** » جمله سی ده واردی صلاح الدین او غلنه یازدینی مکتوبده شیخک قتل المجون امر و یردی ، صوکر ا عینی امری تا کید ایدن دیکر بر مکتوب دها یازدی ، اگر قتل ایترسه حای المقله تهدید ایدیوردی . »

توضیحات

کجه آیه به نظر

الهیات فاکولته سی ، یکی نشریات ، اذربایجان استقلالی

الهیات فاکولته سی : دارالفنون سالوننده عموم مدرسلر و مستشار فواد بکک حضور یله یدی مایسده رسم کشادی اجرا اولنان الهیات فاکولته سی یکر می ایکی مایسدن اعتباراً [۱] یعنی شهاب الدینک قتل بهمه حال اجرا ایدملی در هیچ بر وجهه سربستیه مساعده بو قدره .

مدریساته باشلامشدر. بوقا کولته‌نک طلبه‌سی اکثریتله اسکی سلیمانیه و صحن مدرسه‌لری متسببینه تشکیلی ایتکده‌در. بروسه، قونیه و العزیزده کی ملغا صحن مدرسه‌لری طلبه‌سی ده بی‌درپی کلمکه باشلامشدر. الهیات فاکولته‌سی پک یکی اولدینی حالدیه بیوک بر رغبته مظهر اولمشدر. تحقیقاتیمزه نظراً بو کونه قدر قید ایدیلن طلبه اوچ یوزه بالغ اولمشدر. ملغا قضاة مکتبی طلبه‌سندن واسکی الهیات مآذونلردن بر چوق مراجعت ایدنلر اولدینی کچی مدرسه‌الارشادک واعظین قسمندن و دارالفنون ادبیات مآذونلردن قید ایدیلنلرده واره بورایه قید ایدیلن طلبه‌نک اعاشه‌سنه دوام ایدلدیکنی کما شکران ایله خبر آلدق. مملکتیمزک کزیده مدرسه‌لردن تشکیلی ایدن هیئت تدریسیه سیله بومؤسسه استقبالنز ایچون بیوک امیدلر او یاندر مقده‌در. اک مشکل شرائط حیاتیه آلتنده و کهنه اصول تدریس‌لره اداره ایدلدیکی زمانلرده بیله علم اوکونه جکزه دییه ثبات و موفقیت کوسترن طلبه‌نک؛ بو کزیده مدرسه‌لرک ارشاد و اداره سیله مملکتیمزه چوق نافع و فیضلی عضوا و لاجق‌لرینه شبهه ایدیله منسه و کیلی و محتاج مملکتیمز ایچون مشر و شعورلی بر سعی اوجاغی اولماسنی تمنی ایتدیکم بویکی فاکولته‌یه کوستریلن مهالکانه رغبتی شکرانه قید ایدیورم.

آنادولو مجموعه‌سی: کچن صاییده انتشارینی بیلدیردیکم آنادولو مجموعه‌سی اوزرنده یودفعه بر آز توقف ایتک ایسترم:

آنادولو مجموعه‌سی، شیمدی‌یه قدر پک مهمل بر اقلمش اولان آنادولوی موضوع تدقیق اتخاذایدیور. بوعتبار ایله، تورکلرک بیوک بر احتیاجنه جواب اولاجق دیمکدر. بو مجموعه بتون مندرجاتیله آنادولوی ترنم ایدن چوق قوتلی بر شعردر؛ بر شعرکه مصراعرلی یکان یکان و باشلی باشنه آنادولونک ادبی، اجتماعی، سیاسی، دینی طبیعی و بدیعی حیاتی، بیوک اولکه‌نک توکنمز اضطرابی کوستریور. برنجی نسخه‌سنده مقدمه ماهیتده کی باش مقاله مجموعه‌نک غایه‌سی بویوک بر وضوح ایله کوسترمسی اعتباریله قیمتلی بر یازیدر. بو صاییده ایکی قیمتدار نه‌تود واره که مستسا اهمیت‌لریله همان نظر دقتی جلب ایدیورلر: بویاکی نه‌توددن بری احمد رفیق بککدر. استاد، بر عثمانلی پادشاهی دورنده، آنادولونک ظلم و تضییق آلتنده فصل ایکلدیکنی، استانبولک آنادولوی فصل بر ارزاق انباری عدایده‌رک، اوکا بوندن فضله قیمت ویزمدیکنی آکلاتیور و دیمک ایستیورکه تورکیاده آنادولونک وارلنی لاشی مشابه‌سنده ایدی. بوندن صکره کنج تاریخ نویس محمد خالدک ادبی مصاحبه‌سی جداً آنادولو شعرینک روحنی کوسترن بر مقاله‌در. بو مصاحبه‌ده

سجیه‌سی تدقیق اولنان «کوهری» آنادولو ادبیاتک مستثنا نمودجلرینی وجوده کتیرمش و آنادولو ادبیاتی تاریخنده هان اک یوکسک موقعی قازانمشدر. بویازیلر ایچنده اک زیاده کوزه چاربان آنادولو عرفی و دستانلری حقنده حلمی ضیانک باکر بر موضوع اوزرنده کی نه تودی در. نه تودک مابعدی ده ایکنجی صاییده... بو مقاله، بزه مستقبل بر فلسفه و اجتماعیات طلمنی مژده لیور. حقیقه حلمی ضیا، بو مقاله‌سی ایله درکه، فلسفه‌جی دماغنک بیوک قابلیتینی قطعاً اثبات ایتمشدر..

آنادولونک ایکنجی صایینه کلنجه: بونسخه ده مکرمین خلیل بک آنادولو تاریخک، ملی تاریخمیزک موضوعنی تدقیق ایدیور. احمد رفیق بک، آنادولونک دوچار اولدینی ظلملری تشریح ایتمکدر.. محمد خالد، تصوفی ادبیاتمیزک بر صفحه‌سی تدقیق ایدیور. مجموعه بوقوتده دوام ایدرسه، مملکتک یکانه مجموعه‌سی اولارق ابراز ایدیله بیلجکدر. هرایکی نسخه، ادبی قیمتلری اعتباریله ده شایان نظردر. خرجین، عصبی فقط دائماً صنعتکار قرده شم نجیب فاضل، اک کوزمل منظومه لرینی آنادولویه هدیه ایدیور. احمد حمدینک ارضرومدن کوندردیکی صوک بهار فنا دکل... بونلردن بشقه ناظم کامل بکک برتوره لری وار.

آذربایجان استقلالی: آلتی سنه اول ۲۸ مایسده اذربایجان، استقلال اعلان ایتمشدی. ایکی سنه مستقل یشاد قدن صکره بولشه ویکلر طرفدن اغفال ایدیله رک تدریجاً اشغال اولنان بوتورک اولکسنک حیاته نهایت ویرلدی. ایکی سنه لک مستقل حیات اطرافده کنج اذربایجان بتون اوروپادولتلی طرفدن تصدیق ایدلمشدی. بزده اذربایجانک مسعود کوتنی ممنونیتله قارشیلایارق دارالفنون قونفرانس سالوننده صوک برسوینج ایله آلقیشلامشدی. ظلمکار بولشه ویکلرک استیلاسنه اوغرایان بومملکتک منورلرینک چوقلری اعدام ایدلدی. بر قسمی آیسسه فرار ایدهرک اوروپا به ویوک قرده شی تورکیا به التجا ایتدیلر.. تکرار استقلال ایچون اوغراشان بو کنج قرده شریعه موفقیت دیلیورکن! فلاکت و خرابی به ییللرجه کوکس کړدن، کافر استیلاسنی، کافر ظلمنی بیلن، اونک آجیلرینی چکن، اونک زهرینی ییللرجه ایچن کنج تورک! سکا هایقیریورم: مظلوم وقرده ش آذربایجان به دعاچی اول!..

مه. ک.

مایس ۳۴۰

مدیر مسئول: آگاه مظلوم